

VENETI in Movimento

PAR ŁA INDIPENDENSA DEŁA VENETIA



Cossa servelo un PIL in man a pochi siori e dopo **spenar la zente co l'autovelox** par drisar i bilanci dei comuni.

Voemo na economia ke a sparagne risorse. Teritorio, energia, trasporti, aqua, inquinamento: **tuto va sparagnà**.

Podemo dir de aver un animo ecoŁogista visto ke riciclemo el 50% dei rifiuti e ke i primi 10 comuni nea diferensiata, xe tuti dea Venetia.

E No stemo a desmentegarse la grandisima disponibilità ad ajutare tuti co 400'000 voontari, co 200'000 iscritti ala donasion de sangue, 95'000 de medoa osea, 343'000 de organi e ultima de mercore semo subito tra i primi nea raccolta de farmaci al Banco farmaceutico. (TV tersa sità dopo MI TO ma RO xe in testa par tochi raccolti par farmacia).

Podemo ben dir de esser boni de mantegnese visto ke gavemo un PIL 50mdi + alto del Austria ma soratuto gavemo un saldo commerciale 7 volte +grando dei austriaci e semo 8 milioni de persone come eori.

277mdi de PIL la Venetia.

Ma el tasto pi drammatico dea economia xe queo del'energia.

-Asasini, lote poitighe, guere, invasion e popoi rovinadi: tuto se fa par robarse l'energia un co l'altro. Xe importante averghene e xe necesario anca sparagnarla.

Dovemo investir na quota pesante de PIL par svilupar el fotovoltaico +eolico +idroelettrico par recuperar el svantajo coe nazioni pi avanti. Ma anca dovemo mejoar i isoamenti dele case.

Dovemo crear bacini par salvar aqua ke a mancarà de sicuro fra 10-20 ani

e sarà tuta colpa nostra.

Ma bisogna rincurar i nostri fiumi, fosi e roje, le vali e le spiaje par no aver inondasion e distrusion.

Voemo anca **dimesar** i inquinamenti par no tacarse ala demagogia dee targhe pari e dispari ke le rovina el laoro de tuti.

VENETI

via Mare 73 - 31020 San Vendemiano TV
Via Monti 9 - 36075 Montecchio Maggiore VI
- www.iveneti.org

VENETI in Movimento

PAR ŁA INDIPENDENSA DEŁA VENETIA



Dovemo investir in brevetti e vaore aggiunto.

Ghe xe un futuro da scoprir de energie pulite, de automasion, de modi de produr, basta finansiar e far laorar le nostre università e i nostri laboratori. Voemo far conoser i nostri prodotti, incorajando i nostri industriali a girar el mondo co fiere de roba veneta.

Tuti noi savemo ke la Venetia la gà na serie impresionante de distreti produttivi: gavemo acciaio a BG UD, prodotti sportivi a TV, fero e armi a BS, tesile a TV MN VI, oro a VI, frigoriferi a PN TV, motociclete a VE, mobili a TV VR PN, ociai a BL.

Gavemo do porti inportanti a VE e TS e cantieri pesanti a Monfalcon e Marghera.

Gavemo aeroporti a VE (uno dei pi inportanti d'Europa) ma forti xe anca queo de Ronchi, de VR de TV de BG.

Podemo propor turismo de mar de montagna, de lago, de colina; e arte dapartuto.

69 milioni de presense xe na cifra, ke da soa basta par star in testa ala classifica deŁi incassi de valuta.

Gavemo agricoltura ecesionae coi vini da TN a GO, da UD a BG, radici a TV, pomi a TN, sarese a VR VI, biologica da RO a MN... e kisà cossa ke no go desmentegà.

Dovemo coltivar biologico co un marchio veneto riconsuo par serietà.

VENETI

via Mare 73 - 31020 San Vendemiano TV
Via Monti 9 - 36075 Montecchio Maggiore VI
- www.iveneti.org

VENETI in Movimento

PAR ŁA INDIPENDENSA DEŁA VENETIA



Ma dovemo anca sfołtir burocrasia, inventada da foresti, par inciodarne e perder tempo inte i so ufici.

Dovemo difendarse **dale stupidade de Bruxel** ke se ga inventà e norme sue banane e sui piseli, e no a ga ancora adotà na unica spina par la 220.

Noaltri semo liberi de produrre, comprar e de vender de tuto; ma sempre co un controŁo sua quaità, ***ke a sia veneta e de alto livello.***

Questo riguarda anca i servisi turistici, bancari, trasporti.

I foresti ke vien nea nostra Venetia, ga da aver senpre sicuressa, de no eser mai fregà, de trovar cibo genuin: ospitaità, trasporti, prodoti perfeti, coa masima trasparenza de trattamento e de prexi.

Eora saren sicuri de aver costruio un futuro de credibiità ke el sarà un capital par i nostri fioi e pae prosime generasion.

No lè mai masa tardi, sol ke ne voarà 50 ani par rimediar ai guasti ke vedemo.

Prima ke scumisiemo, prima gavaren un futuro.

In tea situasion de ancuo, semo sicuri kel futuro sarà **scuro e incerto.**

Grasie e **stemo unidi a risolvere 'sti problemi.**

Ghe voe tuto el nostro inpegno e tuta la vostra bona volontà.

VIVA I VENETI EA NOSTRA STORIA

Grasie Grasie ancora
Geremia (Geri) Agnoletti 01.03.07